

Zeitschrift: Le nouveau conteur vaudois et romand
Band: 90 (1963)
Heft: 1

Artikel: Y iu le Diâbzo !... = (J'ai vu le diable !...)
Autor: Défago, Adolphe
DOI: <https://doi.org/10.5169/seals-233152>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 30.01.2025

ETH-Bibliothek Zürich, E-Periodica, <https://www.e-periodica.ch>



Pages valaisannes

Y iu le Diâbzo¹ !...

(J'ai vu le diable !...)

Cé païjan cheuza le vayon² ke menâve amon à s'n'alpâdzo. L'ire dza tâ d'euton³, lé bété l'iran bâ davou d'y vouârba, on lé viza trépenâ l'herba teindra k'ava pouso apré le reco⁴ dien lou pro d'einteu le velâdzo.

L'allâve de son pâ pésan, on bâton de corgnola ein man, on bissa su le raté⁵, io sa féna l'ava einvetei teté sorté de bouné tsousé po le leindemein : du bacon, de lé sefecé⁶ de ménâdzo, du pan de sala⁷ et ne beuteuze de vin de la vegne ke l'avaian bâ dien la plan'na. Déva le leindeman allâcotâ le tsalé po pâ ke la na⁸ l'usse écraso-lo, kemein le fan toué après l'einèrpâye. La lena l'ire lévâie de vouârba kan lé arevo u tsalé tan benize⁹ d'allâ se refiâ¹⁰ su la meuze dien la grandze. Devan cou, la tepara zu l'idé d'allâ fire le teu du tsalé. Lé adon ke la groussa affire cé passâie ke la fi dressyi le pa su la téta : n'aparichon ke n'ava jami iu tan k'adon : dou zoi¹¹ ke tsalenâvan kemein na brâze¹², dâvoué groussé corné, dou pia¹³ fouertchu poso su la délize, adra kemein on va le cornian su lé émâdzé ! Epouaria kemein na dzenellie devan le motsé¹⁴, l'a fego via à grou¹⁵ peco et cein vin contâ à sa féna ein bederssein : y iu le diabzo

fetcha ein noutron tsalé amon li, fodré avèrtei le prare¹⁶ k'aklasse exochisy le tsalé po le débarachi de c'ta mâla bété de démon ke vin d'y l'einfè !

Du tré dzeu apré cein, é va venin son vesin ke la dae : « Y trovo cé bissa devan ton tsalé amon li. Me ça mouson ke te l'avaié ubzo¹⁷ le dzeu de la déseinèrpâie. Taré pâ molagro, mé me ça pèrmé d'einboua on boc k'avaio passo ein contrenbeinda d'y Savoué¹⁸. Iro tan mofi k'y diu l'einboua vèr te devan ke d'allâ me ceutchi su le fein à la grandze. Iro à matia eindremin kan me ça mouso ke l'a iava kâkon ke vorachive¹⁹ d'einteu le tsalé. Mé preske veneu pouare²⁰ paska avaiou sovein pèchu dre²¹ ke kan lé dzein l'iran via d'euton lou démon veniavan ifire leu sabba dien lou parâdzo. Ein nâ-to pèchu dévesâ ? Nâ, ropon l'âtro é le crara²² jami tan ke l'usso iu omein on cou cé Belzébu ! Fo lachi contâ cein à nouté féné, lé son tan pouareusé²³ !...

Adolphe Défago.

¹ Diable. ² Sentier. ³ Automne. ⁴ Regain. ⁵ Dos. ⁶ Saucisses. ⁷ Pain de seigle. ⁸ Neige. ⁹ Content. ¹⁰ Reposer. ¹¹ Yeux. ¹² Braise. ¹³ Pieds. ¹⁴ Renard. ¹⁵ Grands sauts. ¹⁶ Prêtre. ¹⁷ Oublié. ¹⁸ Savoie. ¹⁹ Farfouiller. ²⁰ Peur. ²¹ Dire. ²² Croirait. ²³ Peureuses.